

四聖懸樞二

則聖懸樞卷三

昌邑黃元德撰

小兒痘病卽大人寒疫寒傷營血營閉而衛鬱衛氣外發則
生內陷則死非解仲景傷寒不知寒疫非解寒疫不知痘病
卽以先聖無言古經闕載後世庸工未燭厥理涉水迷津鑿
山罔道靈關弗啟元鑰難開篇章累架悉憑虛公子之言著
作連箱皆烏有先生之論致令孩提不祿襁負天亡方出人
關已登鬼籙縱使昔之壽民旦爲今之殤子痛此億萬嬰兒
黃罹冤酷怛然悲惋心折骨驚作痘病解

痘病解第三

痘病根原

痘病者寒疫之傷營血也此因木火發泄營陰不閉是以寒浸於血分寒傷大人則爲寒疫小兒則爲痘症其病一也而症則異焉氣統於肺血藏於肝肺氣清涼而降歛肝血溫暖而升發自然之性也血性宣揚而寒性閉澀寒傷營血閉其皮毛營愈閉而愈欲發發而不透外束衛氣故衛鬱而爲熱六日經盡衛氣鬱隆發於汗孔形同痘粒是以名痘小兒寒水蟄藏相火未泄皮毛之密異於大人故感冒寒疫衛鬱而痘發痘粒圓滿衛鬱散布則熱退而病除矣凡人傷寒未始病痘寒疫之邪纏綿固滿最難解散小兒肌膚緻密感之則痘生焉嶺南寒地不見

此病地暖則孔竅不開地寒則皮毛不開故感而不傷也

痘病消長

小兒寒疫傳經亦同大人一日太陽二日陽明三日少陽四日太陰五日少陰六日厥陰六經俱盡衛氣外發而生痘粒一經之鬱散則一經之病解七日太陽病衰八日陽明病衰九日少陽病衰十日太陰病衰十一日少陰病衰十二日厥陰病衰衛氣盡達而痘愈矣陽盛者經陽司氣而熱鬱於外陰盛者藏陰當權而寒鬱於內陽盛則紅白而起發陰盛則紫黑而塌陷以陽長而陰藏其性然也起發則生塌陷則死故陰不可長而陽不可消陽莫盛於陽明陰莫盛於少陰陽盛則陽明之經病也

陰盛則少陰之藏病也藏陰太盛寒及於經而絡中之陽亦消
經陽太盛熱連於府而藏中之陰亦耗藏寒則宜溫補而府熱
不可寒泄補則衛發而痘長泄恐衛陷而痘消明於消長之理
崇陽明而黜少陰此痘家不易之法也仲景傷寒少陰之篇少
陰負趺陽者爲順也趺陽胃脈實痘病之玉策金繩矣

熱吉寒凶

痘發於陽盛而外熱陷於陰盛而內寒是以感病之時熱甚者
吉熱微者凶發熱三日三陽之盛也發熱二日則太陽之陽虛
故一日不熱發熱一日則陽明之陽虛故二日不熱陽虛則衛
營不發卽暫時略發而究不茂長終必塌陷一入三陰之藏熱

退寒生死不可醫矣陽貴陰賤凡病皆然至於痘家尤爲甚焉

陰貴之症除濕病溫疫傷寒陽明實證外他未嘗有也是以三陽之經熱痘家之生途而

一見少陰之寒來卽寓危機恐其寒來而熱不繼發也三陰之藏寒痘家之死路而一見厥陰之熱發卽爲佳兆喜其熱發而寒不再來也其陽復而熱過者疳蝕癰潰不無後患然已出死路而登生途縱治療乖違未免損傷究爲肢體殘缺之人猶勝作官骸周全之鬼也

抑陰扶陽

痘家自始至終全賴陽旺陽減一分則其異時發達收斂必有一分欠缺其甚則紅紫凹塌而衛氣不升其次則灰色平陷而

衛氣不長其次則泡殼空虛而衛氣不充其次則皮膚脆嫩而衛氣不歛衛有不到之處卽人有危亡之憂縱毫無欠缺痂退病除而癍色老嫩猶關性命黑者上吉紅者無慮白者終凶黑者陽旺而熱盛也紅者陽平而熱調也白者陽虛而熱敗也凡見諸證當竭力扶陽以挽末路惟煩熱頻作痘色枯焦此少陽相火之旺厥陰風木之鬱緣木司營血而主色澤血虛不能華色而風木消燦愈失光潤故見枯焦宜以柴胡黃芩地黃芍藥泄相火而滋風木肌膚自華原非下證痘家誤服硝黃而反起發豐潤者正是此種此是誤用而誤效雖能奏效究竟是誤庸工見其偶效以爲痘有下證死有餘辜者也

太陽經證

頭痛腰痛發熱惡寒咳嗽噎膈

太陽在六經之外皮毛之分次則陽明次則少陽次則太陰次則少陰次則厥陰近於骨矣衛司於肺營司於肝營行脉中衛行脉外而總統於太陽寒自外感而傷營血故太陽先病寒性閉澀竅開寒人閉其皮毛血不得泄是以傷營陰內陽外位之常也寒傷營血皮毛閉塞營陰欲泄膚無透竅外乘陽位束其衛氣衛氣內鬱則壅遏而爲熱營血外束則收藏而爲寒陰陽易位彼此纏迫故發熱而惡寒也太陽之經自頭下項行身之後經氣迫束故頭項腰脊骨節俱病也皮毛外閤肺氣壅遏逆

行上竅泄之不及故噎噎喘促也營血遏鬱木氣不暢肝木弗
升則振撼而爲悸膽木勿降則懸虛而爲驚也足少陽行於身
側手厥陰行於中指少陽之相火上逆故耳後筋紅厥陰之相
火下陷手厥陰亦爲相火故中指節冷也營爲寒侵束閉衛氣衛氣不
達鬱而生熱是營傷而衛閉也宜紫蘇湯蘇葉發其皮毛杏仁
利其肺氣桂枝通經而行營血甘草培土而補中氣使寒隨汗
散營開而衛泄則不生痘病也

紫蘇湯

治小兒寒疫太陽經症而未成痘者

蘇葉

三錢

桂枝 一錢

杏仁

二錢

甘草

一錢

炙

流水煎半杯熱服覆衣取汗 冬月寒盛須以麻黃發之

陰陽盛衰

太陽一經三陽三陰之綱領也陽盛則外傳三陽之經陰盛則內傳三陰之藏陽盛者三陽當令經熱外發則藏陰退避而內寒不生陰盛者三陰司權藏寒內動則經陽敗沒而外熱不作陽盛則善長故紅腫而外發陰盛則善藏故黑塌而內陷外發則衛氣升達而人生內陷則衛氣淪亡而人死陽盛者順陰盛者逆自然之理也究之病在太陽不早解其表寒內傳六經衛鬱痘粒斯發已爲順中之逆若於痘形未見之先早以表藥解之令其寒散衛泄痘粒不生是爲順中之順也庸工謬妄以爲

藏府之毒不知解表而又以寒泄敗其胃氣小兒天枉千載含冤此輩穰穰何可勝誅也

停水不消

太陽膀胱職司水道陽衰土濕之家水不歸壑乘表寒外閉裏水鬱發逆行陽位客居心下或原無停水而渴飲茶湯蓄積不化水氣阻格肺胃不降多主嘔噦欬喘之證肝脾不升多有泄利淋瀝之條水旺則火土雙敗異日黑陷之基預伏於此是宜表裏雙解宜以蘇桂薑辛湯蘇葉泄其衛氣桂枝行其營血甘草培土芍藥泄木半夏紐辛乾薑五味降衝逆而止嘔噦欬喘則裡氣調而表鬱宣積水化汗泄於皮毛矣

蘇桂薑辛湯

治太陽經症痘未發而有水氣停阻者

蘇葉

三錢

桂枝

一錢

甘草

一錢

芍藥

一錢

半夏

二錢

細辛

一錢

乾薑

一錢

五味

一錢

流水煎半杯熱服覆衣取微汗

若下利加赤石脂一錢

若渴者去半夏加括蔞根二錢若小便不利加茯苓二錢

若喘者加杏仁一錢若噫者加附子一錢

煩躁發渴

太陽未傳陽明不作煩渴內連陽明衛鬱發熱而外泄無路煩渴乃生以胃府燥氣因表鬱而裡應也此在大人或有表解而

病此者小兒不得汗泄必連表證宜白虎加元麥紫蘇湯清金而發表氣虛者加人參以益氣防其渴止陽亡而衛氣虛敗也
白虎加元麥紫蘇湯

治太陽經症未解而見煩渴者

石膏

二錢生

知母

一錢

甘草

一錢炙

粳米

半杯

人參

一錢

麥冬

三錢

紫蘇

三錢

流水煎至米熟取半杯熱服覆衣取微汗

人參白虎加元麥紫蘇湯

治症同前

石膏

一錢

知母

一錢

甘草

一錢

粳米

半杯

人參

一錢

麥冬 三錢 元參 一錢 紫蘇 三錢

流水煎至米熟取半杯熱服覆衣取微汗 寒疫之證藏
府亦生濕寒燥熱者頗少小兒相火未泄陽旺之人多有
此證白虎不可不備也

血升鼻衄

太陽未傳陽明衛鬱非盛尙無衄證一傳陽明衛氣鬱遏經絡
勿容逆循鼻竅衝逼營血則見衄證衄則衛鬱升泄痘可不生
然衄解較之汗解損傷頗重且恐衛鬱不盡發泄而衄後陽虛
痘不茂長則反壞大事其於脉浮發熱鼻燥口乾衛鬱欲衄之
時以紫蘇石膏地黃湯泄衛鬱而涼血蒸表氣解泄則衄證免

矣

紫蘇石膏地黃湯

治太陽將傳陽明脉浮發熱鼻燥口乾欲作衄症者

蘇葉 三錢 桂枝 一錢 杏仁 一錢 甘草 一錢 石膏 一錢

生地 一錢 麥冬 三錢 丹皮 一錢 生薑 一錢 大棗 一錢

流水煎半杯熱服覆衣取微汗

陽明經證

嘔吐泄利

陽明之經在肌肉之分皮毛之內太陽經病以次相傳二日則及陽明其經挾口環唇行身之前經氣上壅故口燥鼻乾而胸

滿胃者水穀之府一傳陽明必見吐泄以少陽甲木從陽明戊土下行表寒束迫陽明經氣不能順降壅礙甲木下行之路甲木鬱遏而賊戊土胃府被逼失其容受之量水穀在中脘以上者則爲嘔吐在中脘以下者則爲泄利嘔利者大府入藏之先機也陽明胃府從燥金化氣太陰脾藏以濕土主令陽盛則嘔泄亡陰大府而生熱陰盛則嘔利亡陽入藏而生寒寒疫之病大人衛泄而汗解小兒衛發而痘生至恃乎胃陽盛而燥氣長也於其嘔泄方作之時扶陽明而抑太陰一定之法也

紫蘇葛根升麻湯

治陽明經泄利者

紫蘇 三錢

葛根 二錢

桂枝 一錢

芍藥 一錢

甘草 一錢

升麻 一錢

流水煎半杯溫服

紫蘇葛根半夏湯

治陽明經嘔吐者

蘇葉 三錢

葛根 三錢

桂枝 一錢

芍藥 一錢

半夏 二錢

生薑 一錢

甘草 一錢

流水煎半杯溫服

發熱出痘粒滿痂生

小兒痘證原於衛鬱衛陽極盛而後外發陽莫盛於陽明表寒